

四庫全書

子部

欽定四庫全書

子部

玉海卷六十三

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣戴均元

謄錄監生_臣鄒貽詩

欽定四庫全書

玉海卷六十三

宋 王應麟 撰

藝文

藝術

漢志曰數術者明堂義和史卜之職方技者生生之具王官之一守也

周三兆

三夢

龜八命

四兆

占書

六龜

十龜 九筮 八簪 六夢

春官太卜

下大夫二人

掌三兆之灋一曰玉兆

杜子春云顙頊之兆

二

曰瓦兆

帝堯之兆

三曰原兆

有周之兆

經兆之體皆百有二十其

頌皆千有二百

兆者灼龜發於火其形可占者有象似玉瓦原之疊鑄上古以來作其法原

田頌謂錄也

疏近師皆以為夏殷周

易氏曰玉陽

也卜得陽數之奇其象在上在左曰玉兆瓦陰也卜得陰數之耦其象在下在右曰瓦兆原再

三易之灋

見易類

三夢之灋一曰致夢

言夢之所至夏后氏作

二曰騎夢

讀如騎言夢之所得

殷人作

三曰咸陟

言夢之皆得周人作

其經運十其別九十

每輝九變此術

今以邦事作龜之八命一曰征司農云征伐人二曰象

災變雲物有所造三曰與于人物四曰謀謀議五

立易曰制器尚象

曰果事成與不以勇決為之六曰至謂至與七曰雨

謂雨八曰瘳謂疾瘳不也國之大事待蓍龜而決以

八命者贊三兆三易三夢之占以觀國家之吉凶詔救

政司農云以八事命卜筮蓍龜參之以夢春秋傳曰筮

蓍辭有二士命龜卜師上士掌開龜之四兆一曰方

兆二曰功兆三曰義兆四曰弓兆開開出其占書也經

北者分之為四部若易之二篇書金縢曰
凡卜辨龜之
開齋見書是謂與方功義弓之名未開

上下左右陰陽授命龜者詔相之
卜人
中士六人下士十有六人

唐六典太卜令雜龜之九類五色依四時用之石泉蔡
江洛海河淮早春用青夏赤秋白冬黑四季用黃

龜人
中士二人掌六龜之屬各有名物
屬言非一也天龜曰靈

屬地龜曰繹屬東龜曰果屬西龜曰雷屬南龜曰獵屬

北龜曰若屬各以其方之色與其體辨之
東方發生有果於必為之

義南方假火有獵而相較之義凡取龜用秋時攻龜用春時各以其物

入于龜室注色謂天龜玄地龜黃東龜青西龜白南龜

赤北龜黑

爾雅同

龜俯者靈仰者繹前弇果後弇獵左倪

雷右倪若是其體也

爾雅左倪不類即雷也右倪不若即若也

東龜南龜長

前後在陽象經也西龜北龜長左右在陰象緯也天龜

俯地龜仰東龜前南龜卻西龜左北龜右各從其耦也

疏龜有六室六龜各入於一室易損卦六五或益之十

朋之龜鄭注引爾雅有十龜一曰神龜龜之最神明者

在宮治者

二曰靈龜涪陵郡出大龜甲可以卜緣中文似璆

瑁俗謂為靈龜即今大觚螭龜也

與天龜屬一也

一曰靈螭

能鳴也三曰攝龜小龜也腹甲曲折解能自張閉好食

蛇江東呼為陵龜也

當周禮地與四方之龜皆有奄斂之義

四曰寶龜大

寶龜也

即遺我大寶龜樂記青黑緣公羊青純皆是也

五曰文龜甲有文采

者河圖丹甲青文是也河圖云靈龜負書丹甲青文六

曰筮龜常在蒼叢下者七曰山龜八曰澤龜九曰水龜

十曰火龜山澤水火各言生出之所也火龜猶火鼠也

禮記正義同

大凡神靈寶文攝唯五體而已

曲禮

正義案白虎通稱三正記天子龜一尺二寸諸侯一尺

大夫八寸士六寸少牢大夫立筮鄭云大夫著長五

尺推此而言天子九尺諸侯七尺士三尺龜陰數偶著

陽數奇

筮氏下士二人

共燠契飲煖契以授卜師

占人下士

八掌占龜以八簪占八頌以八卦占簪之八故以眠吉

凶

注謂將卜八事先以筮筮之非八事則用九筮

凡卜簪君占體大夫占色史

占墨卜人占圻

體兆象也色兆氣也墨兆廣也圻兆豐也體有吉凶色有善惡墨有大小圻有

明微

簪人中士二人掌三易以辨九簪之名曰巫更

九巫讀為筮

都邑

巫咸筮衆心

巫式

制作法式 巫目

事衆筮其要

巫易所改 巫

比

與民和比

巫祠

筮牲與日

巫參

筮御與右

巫環

筮可致師不也

凡國之大事

先簪而後卜

正義易伏羲為之巫咸為擇著之法世本巫咸作筮

占夢

中士二人

掌其歲時觀天地之會辨陰陽之氣以日月星辰占六

夢之吉凶一曰正夢

無所感動

二曰噩夢

驚愕而夢

三曰思夢

覺時

思四曰寤夢

覺時道之而夢

五曰喜夢

喜悅而夢

六曰懼夢

恐懼而夢

季

冬聘王夢獻吉夢于王舍萌四方贈惡夢

漢志黃帝長柳占夢十一

卷甘德十卷

隋志京房占夢書三卷

泰誓朕

夢協朕卜

詩乃占我夢

史記秦有占夢博士

大

禹謨帝曰官占惟先蔽志昆命于元龜 洪範七稽疑

擇建立卜筮人乃命卜筮

龜曰卜 蓍曰筮

大誥寧王遺我大

寶龜紹天即明命

洛誥惟洛食

詩爰始爰謀爰契

我龜宅是鎬京維龜正之 曲禮假爾泰龜有常假爾

泰筮有常卜筮不過三卜筮不相襲龜為卜筮為筮卜筮

者先聖王之所以使民信時日敬鬼神畏法令也使民決

嫌疑定猶與也

衛成昭北
臧氏蔡僕句

祭義易抱龜南面 左

傳晉卜人曰筮短龜長晉韓簡曰龜象也筮數也物生

而後有象象而後有滋滋而後有數 吳語貞於陽卜

注問卜內曰陰外曰陽 夏官疏龜取生數一二三四

五著取成數六七八九十 曲禮疏劉向云龜之言久

著之言者龜千歲而靈著百年而神 白虎通龜之言
久也著之言者也 崔靈恩云凡卜筮天子皆用三代
著龜 班固典引曰經五繇之碩慮

周醫師

天官醫師掌醫之政令聚毒藥以共醫事凡邦之有疾
病者疖瘍者造焉則使醫分而治之歲終則稽其醫事

疾醫掌養萬民之疾病以五味五穀五藥養其病

藥五

草木蟲
石穀也

以五氣五聲五色眡其死生兩之以九竅之變

參之以九藏之動凡民之有疾病者分而治之

又食醫
瘍醫獸

醫

呂氏春秋巫咸初作醫

世本說
文同

帝王世紀黃帝

使岐伯嘗味草木定本草經造醫方 物理論夫醫者

非仁愛不可託非聰明理達不可任非廉潔淳良不可
信古之用醫必選名姓之後

晉龜經

隋志龜經一卷晉掌卜大夫史蘇撰

梁有
十卷

崇文目龜

經三卷史蘇撰

龜經一卷又三卷春秋龜策經一卷

龜經要略一卷 南史柳世隆著龜經祕要二卷 張

衡傳注龜經有棲鶴兆 晉文公遇黃帝戰于阪泉之

兆 漢文帝兆得大橫 梁后兆得壽房

漢著龜十五家 著書

藝文志龜書五十二卷夏龜二十六卷南龜書二十八

卷巨龜三十六卷雜龜十六卷著書二十八卷周易三

十八卷周易明堂二十六卷周易隨曲射匿五十卷大

筮衍易二十八卷大次雜易三十卷鼠序卜黃二十五

卷於陵欽易吉凶二十三卷任良易旗七十一卷易卦
八具右著龜十五家一百四卷著龜者聖人之所用也
書曰汝則有大疑謀及卜筮易曰定天下之吉凶莫善
於蓍龜及至衰世解於齊戒而屢煩卜筮神明不應故
筮瀆不告易以為忌龜厭不告詩以為刺 易繫辭著
之德圓而神 說卦幽贊神明而生蓍注受命如響不
知所以然而然 說文蓍生千歲三百莖易以為數天
子九尺 魏管輅云靈蓍者二儀之明數陰陽之幽契

漢數術六種

志自泰壹雜子星至圖書祕記為天文二十一家

天文音序

二十八宿步五星日月以紀吉凶之象聖人所以參政也易曰觀乎天文以察時變

自黃帝五家

厯至杜忠算術為厯譜十八家

厯譜者序四時之位正分至之節會日月五星

之辰以考寒暑殺生之實

自秦一陰陽至五音定名為五行三十一

家

五行者五常之形氣也

自龜書至易卦八具為著龜十五家

見上

自黃帝長柳占夢十一卷至種樹臧果相蠶十三卷為

雜占十八家三百一十三卷

雜占者紀百事之象候善惡之徵易曰占事知來

自山海經至相六擾為形法六家百二十二卷

形法者大舉凡

州之執以立城郭室舍形人及六畜骨法之度數器物之形容以求其聲氣貴賤吉凶

凡數術百

九十家二千五百二十八卷數術者皆明堂義和史卜之職也春秋時魯有梓慎鄭有裨竈晉有卜偃宋有子韋六國時楚有甘公魏有石申夫漢有唐都庶得麤擷蓋有因而成易無因而成難故因舊書以序數術為六種

漢方技四種

志自黃帝內經

十八卷

至旁篇為醫經七家

醫經者原人血脈經絡骨

髓陰陽表裏而用度歲石湯火所施調百藥齊和之所宜

自十二病方至神農黃帝

食禁為經方十一家

經方者本草石之寒溫量疾病之淺深假藥味之滋因氣感之宜辨

五苦六辛致水火之齊以通開解結反之於平

自容成陰道至三家方為房中

八家

房中者情性之極至道之際是以聖王制外樂以禁內情而為之節文

自宓戲雜子

道至秦壹雜子黃治為神僊十家

神僊者所以保性命之真而游求於其外

也者凡方技三十六家八百六十八卷方技者皆王官之

一守也太古有岐伯俞拊中世有扁鵲秦和蓋論病以

及國原診以知政漢興有倉公今其技術晦昧故論其
書以序方技為四種 禮疾醫注治合之齊存乎神農
子儀之術察其盈虛休王吉凶可知審用此者莫若扁
鵲倉公參兩變動能專是者其唯秦和乎岐伯俞拊兼
彼數術疏案劉向云扁鵲使子儀脉神又中經簿云子
義本草經一卷儀與義一人也子義亦周末時人張仲
景金匱云神農能嘗百藥 史記秦越人傳長桑君禁
方書淳于意受陽慶禁方定可治及藥論甚精詔問太

倉長臣意方技所長有其書無有安受學公孫光善為古傳方

黃帝內經 黃帝九經 八十一難經

漢志醫經七家二百一十六卷黃帝內經十八卷外經三十七卷扁鵲內經九卷外經十二卷白氏內經三十八卷外經三十六卷旁篇二十五卷 隋志黃帝甲乙經十卷

晉一卷梁十二卷唐志十二卷

八十一難二卷素問九卷

唐志黃帝明堂經三卷楊玄注黃帝內經明堂十三卷

秦越人黃帝八十一難經二卷

王勃序曰八十一難經
醫經之祕錄也岐伯授

黃帝黃帝歷九師以授伊尹伊尹授湯湯歷六師以授
太公太公授文王文王歷九師以授醫和醫和歷六師
以授秦越人秦越人始定立章句歷九師以授華佗
華佗歷六師以授黃公黃公以授曹夫子元 全元

起注黃帝素問九卷王砭注素問二十四卷釋文一卷

砭號啓
玄子

黃帝內經太素三十卷

書目太素經三卷
經者黃帝藏之靈蘭而

天元紀論而下七篇明五運六氣 晉皇甫謐傳曰黃
帝創制於九經漢淳于意師公乘陽慶傳黃帝扁鵲脈

書上
下經

中興書目黃帝內經素問十四卷

王砭
注

八卷

全元起注序云素者本也問者黃帝問
岐伯也陳性情之原五行之本故名

黃帝坐明堂

之上與岐伯上窮天紀下極地理遠取諸物近取諸身
更相問難雷公之倫授業傳之而內經作矣秦和述六
氣之論越人演述難經倉公傳其舊學仲景撰其遺論
晉皇甫謐刺為甲乙隋楊上善纂為太素唐王冰篤好
之為次注班固曰內經十八卷素問即其經之九卷兼
靈樞九卷第七一卷師氏藏之今唯行八卷 皇甫謐
甲乙經序云七畧藝文志內經十八卷今有鍼經九卷
素問九卷即內經也張仲景云撰用素問則素問之名

雖著於隋志而已見於漢代隋全元起注已亡第七卷
唐寶應初王昶自謂舊藏之卷凡八十一篇析為二十
四卷而注之皇朝林億等校正孫兆重改誤億以天元
紀大論等七篇所載與素問畧不相通疑是陰陽大論
之文昶取以補所亡云

黃帝靈樞經

書目黃帝靈樞經九卷黃帝岐伯雷公少俞伯高答問
之語隋楊上善序凡八十一篇鍼經九卷大氏同亦八

十一篇鍼經以九鍼十二原為首靈樞以精氣為首又間有詳畧王砭以鍼經為靈樞故席延賞云靈樞之名時最後出

漢六緯 河洛七緯 內學

李尋傳五經六緯注孟康曰六緯五經與樂緯也 後樊英傳善風角星算河洛七緯注七緯者易緯稽覽圖乾鑿度坤靈圖通卦驗是類謀辨終備也書緯璇璣鈴考靈曜刑德放帝命驗運期授也詩緯推度災沴歷樞舍

神務也禮緯舍文嘉稽命徵斗威儀也樂緯動聲儀稽
耀嘉叶圖徵也孝經緯援神契鉤命決也春秋緯演孔
圖元命包文耀鉤運斗樞感精符合誠圖考異郵保乾
圖漢舍孽佑助期握誠圖潛潭巴說題辭也 隋志自

河圖至孝經內事十三部九十二卷通計六書合三十
二部三百三十二卷其書出于前漢河圖九篇洛書六
篇云自黃帝至周文王所受本文又別有三十篇云自
初起至于孔子九聖之所增演以廣其意又有七經緯

三十六篇並云孔子所作并前合為八十一篇光武以

圖讖興遂盛行于世宋大明中始禁圖讖隋煬帝又焚

之自是無復其學祕府亦多散亡

元魏太和九年正月戊寅禁圖讖

今

錄其見存者以備異說河圖二十卷

梁河圖洛書二十四卷目錄一卷亡

河圖龍文一卷易緯八卷

鄭玄注梁有九卷

尚書緯三卷

梁六卷

中候五卷

梁八卷今殘缺並鄭玄注

詩緯十八卷

魏博士宋均注梁十卷

禮緯

三卷

鄭玄注亡

禮記默房二卷

宋均注梁三卷鄭玄注亡

樂緯三卷

宋均注

春秋災異十五卷

郝萌撰梁有春秋緯三十卷宋均注春秋內事四卷包命二卷祕事十一

卷書易詩孝經春秋河洛緯秘
要一卷五帝鉤命決圖一卷亡
孝經鉤命決六卷孝經

援神契七卷

並宋均注

孝經內事一卷

梁有孝經雜緯十卷宋均注孝經元命包

一卷孝經分野圖一卷孝經內事星宿講堂七十二
弟子圖一卷論語識八卷宋均注堯戒舜禹一卷

唐志識緯自宋均注易緯至鄭玄注詩緯二家九部八

十四卷

均注易詩禮樂春秋論語孝經緯玄注詩書緯中興書目識緯五家十三卷

文心

雕龍正緯曰按經驗緯其偽有四八十一篇皆託於孔

子或說陰陽或序災異若鳥鳴似語蟲葉成字通儒謂

為起哀平

張衡云

至光武篤信斯術學者比肩沛獻集緯

以通經

沛王通論

曹褒撰識以定禮是以桓譚疾其虛偽

上譚

疏巧慧小才伎數之人矯稱識記

尹敏戲其深瑕

敏曰識書非聖人所作頗類世俗之辭

張衡發其僻謬

衡以圖緯虛妄非聖人之法上疏宜禁絕之

荀悅明其詭誕

中鑒俗嫌第三世稱緯書仲尼之作臣悅叔父爽辨之蓋發其偽也

列傳邳惲上書王

莽曰漢歷久長孔為赤制莽以惲據經識難即害之

蘇竟善圖緯孔丘祕經為漢赤制

朱浮講圖識張

純以建辟雍案七經識注謂書禮樂易春秋及論語也

尹敏世祖以敏博通經記令校圖識

儒林

景鸞受河

洛圖緯

儒林

薛漢建武初為博士受詔校定圖讖

儒林

曹褒次序禮事依準舊典雜以五經讖記之文 樊儵

以讖記正五經異說

韓說善圖緯之學

鄭玄通京氏易馬融

集諸生考論圖緯聞玄善算乃召見玄曰時覩祕書緯

術之與

注中候

賈逵擿讖互異

三十餘事

張衡集上事云

河洛五九六藝四九謂八十一篇也

注

楊厚引見問

以圖讖

翟酺善圖緯天文歷算著援神鉤命解詁十

二篇

孝經緯篇名

趙典學孔子七經河圖洛書內外藝術

靡不貫綜

注

劉瑜尤善圖讖天文歷算之術

徐穉

兼綜星官算歷河圖七緯

注

申屠蟠明圖緯

李固

明河圖讖緯

注

任安從楊厚學圖讖究極其術

儒林

法真博通內外圖典

逸民

方術傳序緯候之部

注

七經緯尚書

中候

光武尤信讖言王梁孫咸名應圖錄越登槐鼎之任

鄭興賈逵以附同稱顯桓譚尹敏以乖忤淪敗自是習

為內學尚奇文貴異數注內學謂圖讖之書其事祕密

故稱內

李邵善河洛風星

公沙穆銳思河洛推步

之術 祭祀志封禪文曰建武元年以前舊典不具不
能明經文以章句細微相況八十一卷其十卷皆不昭
晷 禮記郊特牲注易說疏曰易說者鄭引易緯也凡
鄭云說者皆緯候也鄭志張逸問禮注曰書說何書也
荅曰尚書緯也嫌引祕書所牽圖讖皆謂之說 禮器
注孝經說曰云云 月令注易及樂春秋說云云 禮
大司樂注孝經說曰祭天南郊就陽位疏說即緯也時
禁緯故云說 馮相氏注樂說云云孝經說曰云云

巾車注禮家說曰云云 宋志孔子告備于天曰孝經
四卷春秋河洛凡八十一卷謹已備又云握河拈地綠
文赤字之書 孔廟銘曰刪定六藝象與天談鈎河槩
雖却揆未然

漢綈泰祕記

見天文 楊春卿戒子統曰吾綈泰中有先祖所傳祕
記其修之 淮南有枕中鴻寶苑祕書劉德得其書更
生幼而讀誦以為奇

魏武四時食制

文選海賦注引魏武四時食制 唐志趙武四時食法
一卷諸葛穎淮南王食經一百三十卷

晉青囊書 洞林

郭璞傳妙於陰陽算歷有郭公者客居河東精於卜筮
璞從之受業公以青囊中書九卷與之由是遂洞天文
五行卜筮之術攘災轉福通致無方雖京房管輅不能
過也璞門人趙載嘗竊青囊書未及讀而為火所焚璞

撰前後筮驗六十餘事名為洞林

隋志三卷又有梁元帝洞林三卷書目

止存一卷載二十二事

又抄京費諸家要最更撰新林十篇卜韻

一篇注釋爾雅別為音義圖譜又注三蒼方言穆天子

傳山海經及楚辭子虛上林賦數十萬言皆傳於世

璞著

客傲曰摹洞林乎連山

唐志五行類郭璞周易洞林解三卷

隋志新林四卷又九卷

梁有周易林五卷亡

易斗圖一卷郭璞撰

璞集十七卷

唐志五行類馬雄絳囊經一卷兵書有青囊

括一卷

梁真誥

唐志道家十卷陶弘景撰登真隱訣二十五卷弘景撰

書目真誥十卷陶弘景撰載楊權許長史口授仙真

修鍊等術

道書

神仙修真祕訣十二卷題潁陽子撰

唐本草 圖

志神農本草三卷雷公集撰四卷

隋志四卷
雷公集注

吳普本草

因六卷

華佗
弟子

李氏三卷原平仲靈秀本草圖六卷殷子

嚴音義二卷病源合藥節度五卷要術三卷要妙五卷

名醫別錄三卷陶弘景集注七卷

隋志同又有本草十卷

太清草

木方集要三卷顯慶四年司空英公李勣太尉長孫無

忌兼侍中辛茂將弘文館學士許敬宗禮部郎中孔志

約尚藥奉御許孝崇胡子蒙蔣季璋蘭復珪許弘直巢

孝儉蔣季瑜吳嗣宗蔣義方蔣季琬許弘蔣茂昌

以上並醫

官

太常丞呂才賈文通太史令李淳風潞王府參軍吳

師哲禮部主事顧仁楚右監門長史蘇敬等

合二十三人撰

本草二十卷目錄一卷藥圖二十卷圖經七卷 會要

顯慶二年右監門長史蘇敬言陶弘景本草事多舛謬
請加刪補四年正月十七日撰成并圖五十卷詔藏祕
府 于志寧傳初志寧與司空李勣修定本草并圖合
五十四篇帝曰本草尚矣今復修之何所異耶對曰昔
陶弘景以神農經合雜家別錄注之江南偏方不周曉
藥石往往紕繆四百餘物今考正之又增後世所用百
餘物此以為異帝曰本草別錄何為而二對曰班固記
黃帝內外經不載本草至齊七錄乃稱之世謂神農氏

嘗藥以拯含氣而黃帝以前文字不傳以識相付至桐雷乃載篇冊然所載郡縣多是漢時疑張仲景華佗所記其別錄者魏晉以來吳普李譔之所記其言華葉形色佐使相須附經為說故弘景合而錄之帝曰善其書

遂行

或云五十三卷

六典注凡藥八百五十種三百六十神

農本經一百八十二名醫別錄一百一十四新修本草

新附一百九十四有名無用 志孔志約音義二十卷

隋志有姚最音義三卷

蘇敬新修二十一卷又新修圖二十六卷

音三卷圖經七卷甄立言

一作權

音義七卷藥性三卷

會要

甄立撰音義七卷古今錄驗方五十卷

孟詵食療三卷王方慶新本草四

十一卷又藥性要訣五卷李含光音義二卷陳藏器拾

遺十卷

開元中

鄭虔胡本草七卷藝術類貞觀尚方令王

定畫本草訓誡圖隋志神農本草八卷

帝王世紀黃帝使岐伯嘗

味草木定本草經造醫方

梁有五卷屬物二卷神農明堂圖一卷蔡

邕本草七卷陶隱居十卷秦承祖六卷王季璞本草經

三卷李諱之本草經經鈔各一卷趙贊經一卷甄氏三

卷李諱之藥錄六卷神農採藥經二卷名醫別錄三卷
陶氏撰 中興書目本草圖經二十卷漢書藝文志不
著錄平帝紀元始五年正月舉天下通知方術本草者
郊祀志成帝初有本草待詔樓護傳少誦醫經本草方
術數十萬言本草之名蓋見於此梁七錄載神農三卷
陶隱居序云疑仲景元化等所記今以本經三品藥三
百六十五種名醫副品亦三百六十五凡七百三十種
合為七卷唐顯慶中李勣等判定增一百十四種廣為

二十卷

舊經三卷藥三百六十五種弘景進名醫別錄為之注釋分為七卷李勣等參考增一百十四

種凡八百味廣為二十卷世謂唐本草復有圖經載形色釋同異而明皇御製又有天寶單方藥圖今存一卷蜀孟昶命韓保昇等以唐本圖經參比世謂蜀本草

開寶中詔盧多遜等重注嘉

祐二年掌禹錫等再加校正後蜀張文懿撰本草括要

詩三卷熙寧中崔源辨誤一卷鄭樵外類五卷成書二

十五卷 文選養生論注引天老養生經曰神農本草

名醫別錄經方小品養生要又引本草曰上藥一百二

十種為君主養命以應天中藥一百二十種為臣主養

性以應人謝靈運山居賦本草所載山澤不一雷桐是
別和緩是悉參核六根五華九寶二冬並稱而殊性三
建異形而同出 唐孔志約本草序岐和彭緩騰絕軌
於前李華張吳振英聲於後桐雷衆記 唐志桐君藥錄
三卷雷公藥對
二卷 漢司馬相如傳
注郭璞曰藥對曰云云 周禮疏 見 岐黃彭扁抑揚輔
導至于桐雷乃著編簡

唐開元廣濟方 貞元集要廣利方

志玄宗開元廣濟方五卷德宗貞元集要廣利方五卷

崇大
目同

舊紀開元十一年九月己巳頒上所撰廣濟方

于天下令諸州置醫博士一人

實錄七月丁亥

天寶五載八月

癸未詔廣濟方令郡縣長吏選其要者錄于大板以示

坊村貞元十二年二月十三日乙丑上製貞元廣利方

頒于天下摠六十三種五百八十六首親製序

散題于天下通

衡

李吉甫傳為淮南節度使帝為御通化門祖道賜

御餌禁方 孫思邈千金方三十卷攝生真錄一卷

唐外臺祕要

志王燾外臺祕要方四十卷又外臺要略十卷 王燾

傳性至孝為徐州司馬母有疾彌年不廢帶視絮湯劑

數從高醫游遂窮其術因以所學作書號外臺祕要討

繹精明世寶焉 中興書目外臺祕要四十卷唐天寶

中持節鄴郡軍事兼守刺史王燾撰燾久知弘文館得

古今方上自神農下及唐世無不採摭集成經方四十

卷以出守于外故號曰外臺祕要方

皇祐中孫
北校正

隋志

姚僧坦集驗方十卷 唐志伏適醫苑一卷甘伯宗名

醫傳七卷陸贄集驗方十五卷 南史陶弘景著肘後
百一方 開元十一年七月丁亥勅諸州寫本草及百
一集驗方與經史同貯

唐醫術六十四家 藝術十一家

志子錄醫術六十四家始神農本草至崔知悌方百二

十部四千四十六卷

失姓名三
十六家

王方慶新本草至嚴龜

食法不著錄五十五家四百八卷明堂經脈十六家自

鍼經至內經太素三十五部二百三十一卷 雜藝術

十一家自投壺經至五星等圖二十部一百四十二卷

失姓名
八家

張彥遠歷代名畫記至李邵散子選格不著錄

十六家百十七卷 隋志醫方二百五十六部合四千

五百十卷始於素問甲乙經終於四海類聚單要方五

行二百七十二部合一千一十二卷始於黃帝飛鳥歷

終於相馬經 崇文目醫書六十五部一百三十卷

唐太宗武德九年九月壬子詔龜易五兆之外禁雜占

卜

唐歷代名醫錄

書目七卷唐甘伯宗撰自伏羲至唐凡一百二十人

唐志

名醫傳

崇文目同

唐投壺經

唐志郝沖虞譚法投壺經一卷上官儀投壺經一卷

晁氏志唐上官儀奉敕刪定史玄道續注采周顥郝同
梁簡文數家書為之唐志有其目司馬光投壺新格一
卷舊格多取奇中者以為僥倖因盡改之

開寶重定本草 嘉祐紹興校定本草圖

開寶中命醫工劉翰道士馬志等詳定附益一百二十
三種學士多遜昉蒙判定之六年四月癸丑知制誥王

祐等上之

二十卷 凡神農所說以白字別之名醫所傳墨字別之 崇文目二十一卷

御製

序

合九百八十三種并目二十二卷頌天下

嘉祐二年八月辛酉詔掌禹錫

林億蘇頌張洞等再校正既而補注成書奏御又詔天

下郡縣圖上所產藥以頌刻意是書俾專撰述總二十

卷圖經二十卷目錄各一卷頌為之序曰主上至仁厚

德函養生類屢敕近臣警校歧黃內經重定鍼灸俞穴
或範金揭石或鏤板聯編作慶厯善救方以賜南方作
簡要濟衆方以示下民今復廣藥譜之未備圖地產之

所宜納斯民於壽康召和氣於穹壤六年九月集賢校

理蘇頌上之總新舊一千八十二條

新補八十有二種
新定十有七種合

一千七
十六種

紹興二十七年八月十五日王繼先上校定大

觀證類本草三十二卷釋音一卷詔祕省修潤付冑監

鏤板行之

大觀經史證類
本草唐慎微撰

太平聖惠方

太宗留意醫術自潛邸得妙方千餘首太平興國三年
詔醫官院獻經驗方合萬餘首集為太平聖惠方百卷
凡千六百七十門萬六千八百三十四首并序論總目
錄每部以隋巢元方病源候論冠其首凡諸論證品藥
功效悉載之

目錄一卷

御製序淳化三年二月癸未賜宰相

李昉參政黃中沆樞臣仲舒準

內出五部賜

五月己亥頒天

下諸州置醫博士掌之

書曰首卷興國中王懷隱等承
詔撰慶厯四年正月賜德順

軍

雍熙神醫普效方

太平興國六年十月丙戌詔賈黃中等於崇文院編錄

醫書雍熙三年十月纂成千卷目錄十卷名神醫普效

方御製序

長編四
年上

趙自化以醫術稱獻所撰四時養

頤錄真宗改名調膳攝生圖仍為製序又續自古以方
技至貴仕者為名醫顯秩傳三卷

天聖校定內經素問

天聖四年十月十二日乙酉命集賢校理晁宗慤王舉

正校定黃帝內經素問難經巢氏

元方

病源候論

唐志五
十卷

五年四月乙未令國子監摹印頒行詔學士宋綬撰病

源序景祐二年七月庚子命丁度等校正素問嘉祐二

年八月辛酉置校正醫書局于編修院命掌禹錫等五

人從韓琦之言也琦言靈樞太素甲乙經廣濟千金外

臺祕要方之類多訛舛本草編載尚有所亡於是選官

校正政和八年四月二十四日詔刊正內經重和元

年十一月十五日詔以內經考其常以天元玉冊極其變景德龍圖閣醫書一千三百二十六卷崇文目六

十五部一百三十卷國史志扁鵲鍼傳一卷

許希請興扁鵲

廟築于城西隅因立太醫局其旁希著神應鍼經要訣

天聖鍼經

五年十月壬辰醫官院上所鑄腧穴銅人式二詔一置醫官院一置大相國寺仁濟殿先是上以鍼砭之法傳述不同命尚藥奉御王惟一考明堂氣穴經絡之會鑄

銅人式又纂集舊聞訂正訛繆為銅人腧穴針灸圖經

三卷至是上之

摹印頒行

翰林學士夏竦序曰聖人有天下論

病以及國原診以知政王澤不流則姦生於下故辨淑慝以制治真氣不榮則疾動於體故謹醫砭以救民昔聖祖之問岐伯以為善言天必有驗於人上下有紀左右有象督任有會腧合有數盡書其言藏於金蘭之室洎雷公請問其道乃坐明堂以授之後世言明堂者以此針艾之法舊列王官之守思革其謬王惟一授禁方

精厲石定偃側於人形正方寸於膺膜總會諸說勒成

三篇又以傳心豈如會目著辭不如按形復鑄銅人為

式內分臟腑旁注谿谷竅而達中刻題于側將使多瘠

咸詔巨刺靡差案說蠲痼若對談於涪水

涪翁著針經脈法

披

圖洞視如舊飲於上池

長桑君以禁方傳扁鵲飲以上池之水

保我黎烝

介乎壽考昔夏后叙六極以辨疾帝炎問百藥以惠人

當遜德歸功矣

序以天聖四年歲次析木秋八月丙申上

七年閏二月乙未

賜諸州 元祐八年高麗所獻書有黃帝鍼經正月庚

子祕書監王欽臣請宣布俾學者誦習 隋志黃帝針

經九卷

梁有黃帝針灸經十二卷

唐志皇甫謐黃帝三部鍼經十

二卷

即甲乙經

黃帝雜注鍼經一卷玉匱針經十二卷甄權

脈經一卷針經鈔三卷鍼方一卷明堂人形圖一卷

崇文目黃帝針經一卷

慶厯善救方 皇祐簡要濟衆方

慶厯八年二月癸酉以南方病毒者乏方藥為頒善救方又嘗出通天犀命太醫和藥賜疫者 皇祐三年集

簡要濟衆方五卷頒行標脈證叙病源去諸家之浮冗

國史志慶厯善救方一卷

八年頒行紀
二月癸酉

皇祐簡要濟

衆方

一作
廣濟

五卷

皇祐
中

仁宗謂輔臣曰外無善醫其令太

醫簡聖惠方之要者頒下諸道仍敕長史拯濟令醫官

使周應編三年頒行

紀三年五月己亥頒命
長史按方劑救民疾

開寶修

本草興國中纂聖惠方皇祐擇取精者為簡要濟衆方

嘉祐間命掌禹錫等校正醫書置局編修院後徙太學

十餘年補注本草修圖經而外臺祕要千金方翼金匱

要畧悉從摹印天下皆知學古方書 天禧二年八月

丁未內出鄭景岫四時攝生論陳堯叟所集方一卷示
輔臣上作序紀其事命有司刊板賜廣南官仍分給天
下

宋朝七元圖

書目一卷王欽若圖北斗及諸經符咒之法真宗御製
序 陳搏著指玄論八十一章言導養及還丹之事王
溥著八十一章以箋其指

天禧雲笈七籤

書目一百二十卷天禧中張君房以道藏經書浩博乃
為類例載其旨要

熙寧太醫局

熙寧九年五月癸亥命許將熊本提舉太醫局不隸奉

常

提舉一員判局二員每科置教授一學生以
春試補三百人為額歲終較功過為三等

大觀中

陳師文等校正和劑局方五卷一百九十七道二十一

門 紹興二年四月定醫官為八十五員禮部請止以

四十三員為額六年正月四日置藥局四所其一曰和劑局十八年閏八月二十三日改熟藥所為太平惠民局二十一年十二月十七日以監本藥方頒諸路周天官醫師漢太醫令唐醫學

政和聖濟經

書目聖濟經十卷政和中御製并序體真原化慈幼達道正紀食頤守機衛生藥理審劑凡十篇陰陽適平精神內守而次凡四十二章

一本云政和八年五月壬辰頒御製聖濟經以廣黃帝之

傳其篇五十其
章四十有二

唐志梁武帝坐右方十卷 神農嘗

草岐伯品藥



玉海卷六十三

欽定四庫全書

子部

玉海卷六十四

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣戴均元

謄錄監生_臣鄒貽詩

欽定四庫全書

玉海卷六十四

宋 王應麟 撰

詔令

詔策

聘禮百名以上書於策不及百名書於方疏曰簡據一片策是衆簡相連鄭作論語序云易詩書禮春秋策尺二寸孝經謙半之論語八寸策者三分居一又

謙焉是策之長短鄭注尚書三十字一簡之文服虔注左氏云古文篆書一簡八字是簡之字數說文

冊符命也諸侯進受於王也象其札一長一短中有

二編之形

古文曰冊

獨斷制者王者之言必為法制也

詔猶告也三代無其文秦漢有也

秦稱皇帝命為制令為詔

殷冊書

書多士惟殷先人有冊有典注殷先世有冊書典籍說殷改夏王命之意

周六辭

春官大祝

下大夫二人
上士四人

作六辭以通上下親疏遠近一

曰祠二曰命三曰誥四曰會五曰禱六曰誅注鄭司農

云祠當為辭辭令也命為禋諶草創之命誥謂康誥盤

庚之誥之屬會謂王官之伯命事於會胥命於蒲主為

其命禱如衛太子禱誅如哀公誅孔子此皆有文雅辭

令難為者也玄謂祠者交接之辭會謂會同盟誓之辭

禱如張老頌禱 秋官士師以五戒先後刑罰一曰誓

二曰誥三曰禁四曰糾五曰憲

見律令

大行人協辭命

注六辭之命也

書之可見者有三曰誥誓命

大禹謨禹會羣后誓

于師

甘誓啓與有扈戰于甘之野作甘誓 湯誓王

曰格爾衆庶悉聽朕言

記殷人作誓

禮中冬教大閱群吏

聽誓于陳前注甘誓湯誓之屬

穀梁傳誥命不及五

帝注尚書六誓七誥是其遺文

六誓

甘湯牧泰費泰

七誥

湯大康酒召洛康王

司馬法有虞氏戒於國中

欲民體其命也夏后氏誓於軍中欲民先成其慮也殷

誓於軍門之外欲民先意以待事也周將交办而誓之以致民志也 毛詩傳曰建邦能命龜田能施命作器能銘使能造命升高能賦師旅能誓山川能說喪紀能誅祭祀能語君子能此九者可謂有德音可以為大夫 文中子曰五帝之典三王之誥兩漢之制粲然可見矣 曲禮士載言注言謂會同盟要之辭 周書剋殷尹逸策曰云云

周策命 贊書 外令 冊書

春官內史凡命諸侯及孤卿大夫則策命之

注鄭司農說以春秋

傳曰王命內史叔興父策命晉侯為侯伯策謂以簡策書王命其文曰王謂叔父敬服王命以綏四國糾逃王

隱晉侯三辭從命受策以出微子蔡仲之命乃封國策命之詞呂大臨考古圖有邠敦者稱王格于宣榭

呼內史策命邠

及四方之事書內史讀之

若今尚書省奏事

王制祿則

贊為之以方出之

贊為之為辭也以方出之以版書而出之

賞賜亦如之內

史掌書王命遂貳之

副寫藏之

外史掌書外令

王令下畿外

掌

達書名于四方若以書使于四方則書其令

書王令以授使者

御僕掌王之燕令

御史掌贊書

王有命當以書致之則贊為辭若今尚書作詔文其史

百有二十人以掌贊書人多也

天官職內受財者受貳令而書之

注若

今御史所寫下本奏王所可者書之

女史書內令

后之令

書顧命命作

冊度太史秉書由賓階隣御王冊命 畢命康王命作

冊畢 洛誥戊辰王在新邑烝祭歲王命作冊逸祝冊

惟告周公其後王入太室裸王命周公後作冊逸誥在

十有二月惟七年注王為冊書使史逸誥伯禽封命之

書皆同在烝祭日周公拜前魯公拜後 左傳分魯公

備物典策命以伯禽

亦書名

分康叔命以康誥分唐叔命

以唐誥其命書云王曰胡僖二十八年王命尹氏及王

子虎內史叔興父策命晉侯為侯伯

注以策書命晉侯為伯也周禮九命

伯作

穀梁傳禮有受命無來錫命

注周禮大宗伯職曰王命諸侯則頒之

詩彤弓受言藏之箋言者謂王策命也王賜朱弓必

策其功以命之常武王謂尹氏命程伯休父箋王使

大夫尹氏策命休父覲禮諸公奉篚服加命書于上

禮大宗伯注王將出命假祖廟立依前南鄉儼者進

當命者延之命使登內史由王右以策命之降再拜稽

首登受策以出此其畧也 晉語趙簡子欲賞董安于
安于曰方臣之少也進秉筆贊為名命稱於前世義於
諸侯 楚語觀射父能作訓辭以行諸侯申叔時曰教
之令使訪物官注先王官法時令 周語單子曰先王
之令有之曰天道賞善罰淫注文武之教

漢詔令總叙

漢有制策詔策親策敕有詔敕璽敕密敕書有策書璽
書手書權書

見列女傳

赫蹏書詔有制詔親詔密詔特詔優

詔中詔清詔手筆下詔遺詔令有下令著令挈令及令
甲令乙令丙諭有口諭風諭譙諭宥罪有赦訓諸王有
誥名天下兵有羽檄要誥有誓約延拜有贊以至有報
有賜有問有誥又有手迹手記詔記其曰恩澤詔書寬
大詔書一切詔書及哀痛之詔隨事名之策命簡長二
尺短者半之以篆書罷免用尺一木兩行以隸書遺單
于書牘以尺一寸選舉召拜亦書之尺一板詔書有真
草

三王
世家

又有案案者寫詔之文

鄭崇傳持
詔書案起

制詔皆璽封

尚書重封唯敕贖令司徒印露布州郡詔記綠綈方底
用御史中丞印通官文書不著姓詔書皂囊施檢報書
綠囊密詔或衣帶間丹書藏之石室策書藏之金匱此
其制也詔御史大夫下相國相國下諸侯王御史中執
法下郡守制下御史御史大夫下丞相丞相下中二千
石二千石下郡太守諸侯丞相從事下常用者如律令
郡國長史上計丞相御史記室大音讀敕畢遣以詔書
部刺史奉詔條察州所察毋過六條 夜下詔書決之

亟也甲寅書報應之疾也毋下所賜書幾事密也封還
詔書渙號不容於輕出也更報單于書辭令不嫌於修
飾也六月甲子詔書非赦令也皆蠲除之雖反汗猶愈
於遂非也有司毋得言赦前事所以示民信也策書泰
深痛切君子作文為賢者諱所貴乎體之識也昧死奏
詔書二十三事所重乎祖宗之法也璽書封小詔書獨
下抑不可不慮其召疑而賈激也案尚書大行無遺詔
詔書獨臧嬰家及安得詔書封三子事尤有國者所當

謹察也然有不敢奉詔者有期期不奉詔者有以死爭
不奉詔者有詔數彊予然後奉詔者 廉問不如吾詔

者以重論敢有議詔不如詔者皆要斬誤宣詔者應罰

金謂詔書不可用者丞相御史劾之無承用詔書意者

御史奏之而奉詔不謹者皆坐以不敬丞相被策書則

步出司農發詔書則鳴鼓其嚴如此

有詐作詔書詐作詔板偽作璽書假

為策自書

詔以授

中興書目西漢詔令十二卷林處采括程

俱纂成之凡四百一章 王曉集兩漢詔議四十卷

文中子曰漢之制志詔冊幾乎典誥

近於三典九誥

賈瓊曰兩

漢有制志何也子曰制盡美於卹人志慙於備物續書
有志有詔志以成道言以宣志詔其見王者之志乎其
言也典其志也博其惟策乎

漢高祖孝文傳詔策

志儒家高祖傳十三篇高祖與大臣述古語及詔策孝
文傳十一篇文帝所稱及詔策 高帝詔二年祠山川
五年立吳芮長沙王

紀高祖詔始於五年二月立番君芮為長沙王

立閩粵王

亡諸詔賜民爵善遇高爵立燕王六年赦天下封劉賈
等尊太公七年讞獄疑九年隨趙王者族十一年立代
王定口賦尊顯賢士大夫立梁燕淮陽王立尉佗立淮
南王十二年立吳王濞置前代守冢赦燕立燕王南海
王詔共誅不義紀又制詔御史長沙王忠定著令吳芮傳

立靈星祠郊祀志

二年令立漢社稷令諸侯子集櫟陽為衛令祠官祀
天地四方上帝四川四年令吏為衣衾轉送軍士五

年令更立韓信為楚王八年令吏卒從軍守城者復終身封芮於長沙封亡諸於閩粵綰之於燕佗之於南粵織之於南海皆封異姓之詔也齊荊以建王國代吳以封子弟恢王梁友建王淮陽燕皆封同姓之詔也復田賜爵則有詔善遇高爵則有詔歸尊上皇則有詔以至賦獻立程求賢勸駕未習法而犯令則赦之秦楚趙魏亡後則念之燕吏民來歸者爵之賢士諸臣有功者諭告之二年置祝宰有重祠敬祭

之詔後四歲詔御史令豐治粉榆社其後制詔御史
令天下立靈星祠相國臣何等議天子所服則受詔
長樂長沙王忠其定著令則制詔御史賜太子則有
書封功臣則有誓

文帝詔即位赦天下賜爵元年封誅呂功臣議犯法相

坐

元年十二月下議犯法相坐之詔
載於刑法志蓋即位後第一詔也

立太子振貸養老

封宋昌列侯增戶邑二年令列侯歸國日食籍田立諸
王除誹謗妖言賜半租三年免丞相勃就國赦濟北吏

民十二年勸農舉孝弟力田三老廉吏十三年具親耕

親桑禮儀除祕祝

語在郊祀志

除田租除肉刑十四年祠官

致敬增祀無祈十五年舉賢良直諫後元年議所以佐

百姓後二年單于和親

紀

一賜民爵二益封功臣三建儲四振貸養老令五脩

代來功益封高帝功臣六列侯就國七舉賢良罷兵

衛八開籍田九立辟疆章等為王十除誹謗十一賜

民半租十二丞相勃就國十三赦濟北吏民十四賜

半租又孝悌力田十五親桑十六除祕祝十七除肉
刑十八除田租十九增諸祀珪幣二十議郊祀二十
一舉賢良二十二議民食二十三和親二十四遺詔
賈山言於孝文曰山東吏布詔令老癯扶杖聽之
思見德化之成 太史公書高景二紀詔皆不書獨
文紀凡詔皆稱上曰以其出於帝之實意也不然山
東扶杖聽詔願見德化之成其可以空言動邪 魏
律序云丁酉詔書漢文所下

元帝紀贊號令溫雅有古之風烈

漢初作誥 真草詔書

武紀元狩六年夏六月乙巳廟立皇子閔為齊王旦為燕王胥為廣陵王初作誥注服虔曰詔敕王如尚書諸誥也李斐曰今敕封拜諸侯王策文亦是也贊曰號令文章煥焉可述後嗣得遵鴻業而有三代之風 齊懷王傳閔與燕王旦廣陵王胥同日立皆賜策各以國土風俗申戒焉曰惟元狩六年四月乙巳皇帝使御史大

夫湯廟戒閔為齊王曰嗚呼小子閔受茲青社朕承天
緒惟稽古建爾國家封于東土世為漢藩輔燕王旦賜
策曰受茲玄社封于北土廣陵王胥曰受茲赤社封于
南土 史記三王世家褚先生曰武帝同日俱拜三子
為王各因子才力智能及土地之剛柔人民之輕重為
作誥以申戒之至其次序文字之上下簡之參差長短
皆有意人莫能知謹論次其真草詔書編于左方索隱
曰按武帝策此三王皆自手製

太史公曰史辭
爛然甚可觀也

淮南

王安傳武帝好藝文以安善為文辭甚尊重之每為報書及賜常召司馬相如等視草乃遣注為文之藁草

儒林傳詔書下者文章爾雅訓辭深厚董仲舒傳制曰興于朕躬

漢策書 詔策 冊書 策詔 賜策

高祖詔策孝文詔策三王賜策申戒

並見上

列傳鼂錯

上親策詔之曰十有五年壬子皇帝曰云云錯對云云詔策曰云云河間獻王對詔策所問三十餘事董

仲舒以賢良對策制曰云云仲舒對曰發德音下明詔
復冊之曰云云天子復冊之制曰云云對曰復下明冊
以切其意 公孫弘至太常上策詔諸儒制曰云云弘

對曰云云

武紀元光元年五月賢良受策察問於是董仲舒公孫弘等出焉

拜為博士

復上疏天子冊書荅曰弘自視孰與周公賢 昭帝元

鳳元年三月涿郡韓福以德行召至京師賜策書東帛

遣歸 蕭望之上策望之曰使光祿勳惲策詔左遷君

太子太傅授印

蕭育哀帝時為南郡太守以耆舊名

臣乃以三公使車載育入殿中受策 孔光為左將軍

成帝召光當拜已刻侯印書贊

書贊者書贊辭于策也

光薨使九

卿策贈 馬宮以太皇太后詔賜宮策 史丹永始中

上賜策曰朕愍以官職之事久留將軍 朱博為丞相

趙玄為御史大夫並拜於前殿延登受策 師丹罷歸

尚書令唐林上疏曰竊見免大司空丹策書泰深痛切

君子作文為賢者諱 龔勝為光祿大夫稱疾與邴漢

乞骸於是王莽依故事白遣勝漢策曰惟元始二年六

月庚寅光祿大夫大中大夫耆艾二人以老病罷太皇太后遣謁者僕射策詔之曰云云董賢冊文言允執其中此迺堯禪禹之文非公故事元后賜車騎將軍音策書後紀建武二年正月封功臣為列侯策曰在上不驕高而不危制節謹度滿而不溢敬之戒之傳爾子孫長為漢藩鄧禹為大司徒策曰制詔前將軍禹深執忠孝與朕謀謨帷幄決勝千里云云汝作司徒敬敷五教五教在寬寇恂帝數策書勞問譙玄建

武十一年卒光武美之策詔本郡祠以中牢

獨行

東平

王蒼策曰惟建初八年三月己卯皇帝曰咨王丕顯勤

勞王室親受策命昭于前世 鍾離意永平三年夏旱

上疏帝策詔報曰云云 馮勤奉策至司徒府 韋彪

章和二年夏使謁者策詔曰其上大鴻臚印綬 鄧彪

為太尉乞骸元和元年賜策罷 陰興賜策追謚 竇

憲固辭封賜策許焉 楊震下詔策具祠 張顯延平

元年為漁陽守鄧太后策書褒美 樊英建光元年詔

公車賜策書召英等六人永建二年

順帝

復以策書玄纁

召英傳注謝承書郎宗安帝初詔公車徵策文曰郎宗
李昺孔喬等云云各致嘉禮遣詣公車將以補察國政
輔朕之不逮 郎顗曰三公被策文得賜錢即復起矣

宋漢策曰全素絲羔羊之絮 周舉陽嘉三年大旱

特下策問曰變復之徵厥效何由 楊厚陳五事制書

褒述又策書弔祭 李固上疏陛下初登大位聘樊英

黃瓊楊厚賀純策書嗟歎待以大夫之位 楊賜追位

特進策曰云云

馮緄延熹五年拜為車騎將軍討蠻

夷詔策云云

陸康遣孝廉計吏奉貢詔書策勞戴

封詔書策美

獨行

崔烈為司徒拜曰天子臨軒百僚畢

會宦者傳注詔書封苗光東阿侯未受符策獨斷

漢天子其言曰制詔其命令一曰策書二曰制書三曰

詔書四曰戒書

高后紀注師古曰天子之言一曰制書二曰詔書制書者謂為制度之命也

又曰策者簡也其制長二尺短者半之其次一長一短

兩編下附

禮儀志太子即帝位太尉讀策

安帝紀有策命皇

后則宗正讀策拜皇太子則司空讀策書拜諸侯王公之儀光祿勳前一拜舉手曰制詔其以某為某讀策書

畢謁者稱臣某再拜 又有謚策愍策

景中一年二月命列侯初封及

之國大鴻臚奏策諸侯太傅初除之官大行奏策

衛宏漢舊儀載神爵三年

十月甲子丞相延登詔五鳳三年正月乙巳大夫初拜

策 又漢舊儀云丞相御史大夫初拜皇帝延登親詔

丁孚漢儀有夏勤策文元初六年三月甲子制詔以

大鴻臚勤為司徒 蔡質漢儀載建寧四年七月乙未

策宋太后文

鄧太后賜周馥貴人策曰云云

蔡邕封事引孝元皇帝

策書曰禮之至敬莫重於祭

謝承後漢書曰承父嬰

為尚書侍郎每讀高祖及光武之後將相名臣策文通

訓條在南宮祕於省閣唯臺郎升復道因得開覽永

元六年三月丙寅舉賢良親臨策問永初二年詔曰

朱邑尹翁歸政迹茂異宣帝以黃金百斤策賜其子

晉嵩高山下得竹簡一枚上有兩行科斗書束皙曰此

明帝顯節陵中策也

漢璽書

高紀注

養霍光傳
注等書

應劭曰璽信也古者尊卑共之左傳

魯襄公在楚季武子使公冶問璽書追而與之秦漢尊

者以為信羣下乃避之

獨斷曰秦以來天子獨以印稱璽又獨以玉羣臣莫敢用

孟

康曰漢初有三璽蔡邕獨斷天子六璽皆白玉螭虎紐

輿地志漢封詔璽用武都紫泥故制詔皆璽封尚書令

印重封

列傳鼂錯上言邊事文帝嘉之乃賜錯璽書

寵荅焉曰皇帝問太子家令上書言兵體三章聞之

劉屈氂為左丞相賜璽書 嚴助為會稽太守數年不
聞問賜書曰制詔會稽太守 吾丘壽王拜東郡都尉
時多盜賊詔賜璽書曰云云連十餘城之守任四千石
之重職事並廢盜賊縱橫其不稱在前時何也 霍光
與金日磾等誅莽何羅功未錄武帝病封璽書曰發書
以從事遺詔封為侯 燕王旦昭帝賜諸侯王璽書旦
曰璽書封小丞相賜璽書部中二千石逐捕天子使使
者賜燕王璽書 昌邑王國除為山陽郡元康二年遣

使者賜山陽太守張敞璽書曰制詔山陽太守其謹備

盜賊察往來過客毋下所賜書 趙充國神爵元年上

拜許延壽為強弩將軍即拜酒泉太守辛武賢為破羌

將軍賜璽書嘉納其冊以書敕責充國充國乃上書陳

兵利害六月戊申奏七月甲寅璽書報從充國計又璽

書報令靡忘以贖論

靡忘罕羌
豪帥名也

其秋上賜書曰制詔後

將軍云云充國作奏未上會得進兵璽書 杜延年為

北地太守治郡不進上以璽書責延年延年乃選良吏

擊豪彊郡中清靜居歲餘上使謁者賜延年璽書黃金二十斤循吏傳孝宣厲精為治二千石有治理效輒以璽書勉厲增秩賜金或爵至關內侯陳遵祖父遂宣帝微時與有故宣帝即位稍遷至太原太守賜璽書曰制詔太原太守官尊祿厚可以償博進矣

游俠

王尊

為東平相視事奉璽書至庭中王未及出受詔尊持璽書歸舍食已乃還致詔馮奉世永光二年秋遣奉世將騎擊羌因陳轉輸之費上於是以璽書勞奉世曰皇

帝問將兵右將軍云云 淮陽王欽元帝遣諫大夫王

駿賜欽璽書駿諭旨曰云云欽謝願悉心自新奉承詔

策 東平王宇元帝時與太后不相得上於是遣太中

大夫張子矯奉璽書敕諭之曰皇帝問東平王云云又

特以璽書賜王太后詔書又敕傅相 張放出為天水

屬國都尉璽書勞問不絕

放延壽子也
事見延壽傳

匡衡上疏曰

諸見罷珠厓詔書者莫不欣欣人自以將見太平 趙

后傳中黃門持詔記盛綠綈方底封御史中丞印復持

詔記封如前篋中有赫蹏書 後傳馮異破赤眉璽書

勞異曰云云隗囂降異上書不敢自伐諸將或欲分其

功帝患之乃示璽書曰征西功若丘山 隗囂光武知

囂不為用欲討之遣耿弇等伐蜀先使來歙奉璽書喻

旨 吳漢建武二年帝使使者璽書定封為廣平侯

竇融建武五年遣劉鈞奉書獻馬帝賜融璽書因授涼

州牧璽書既至河西咸驚以為天子明見萬里外 王

常建武十年璽書拜橫野將軍 寇恂奉璽書降高峻

峻據高平不
下恂降之

馬援建武十一年夏璽書拜隴西太守

又以璽書勞之十七年璽書拜伏波將軍 祭彤為襄

賁令璽書勉勵增秩一等 臧宮上璽書勞宮賜吏士

絳繅

注

馮勤光武疑侯霸有姦賜霸璽書使勤奉策

至司徒府勤還陳霸本意申釋事理 申屠剛說隗囂

曰今璽書數到委國歸信 杜詩上疏曰間者發兵但

用璽書徵兵郡國宜有重慎可立虎符 北匈奴建武

十三年遣使璽書報荅賜以綵繒 梁懂永初二年擊

羌破之數璽書勞勉委以西方事 馬賢建光元年璽

書封 第五訪守張掖開倉賑給順帝璽書嘉之 皇

甫規璽書誚責 楊震曰朝廷欲令三府辟召宜有尚

書敕 楊賜上疏曰割用板之恩注板謂詔書 輿服

志注漢舊儀曰奉璽書使者乘馳傳其驛騎也三騎晝

夜行千里為程

漢故事詔書

見典故類 魏相傳奏先帝聖德仁恩之厚謂孝昭也

昭記始元二年八月詔振貸種食勿收責毋令出今年田租四年七月詔減給中都官馬元鳳二年六月詔毋斂今年馬口錢三輔太常郡得以菽粟當賦三年春正月詔止四年毋漕所振貸勿收責六年夏詔以菽粟當賦元平元年二月詔減口賦錢什三又始元元年遣王平等五人持節行郡國舉賢良問疾苦二年二月振貸種食五年夏罷亭毋馬馬弩關六年二月議罷鹽鐵權酤秋七月罷權酤官令民以律占租元鳳四年正月

詔毋收口賦三年以前逋更賦未入者勿收

相之所條奏者其殆

此贊曰孝昭委任霍光光知時務之要輕繇薄賦與民

休息

漢恩澤詔書

黃霸傳擢為揚州刺史

本始四年

三歲制詔以為潁川太守

時上垂意於治數下恩澤詔書吏不奉宣霸為選擇良

吏分部宣布詔令令民咸知上意治為天下第一名守

京兆尹

元康二年

詔歸潁川太守官前後八年郡中愈治天

子下詔稱揚曰霸宣布詔令百姓鄉化其賜爵關內侯
黃金百斤秩中二千石而潁川孝弟有行義民三老力

田皆以差賜爵及帛

神爵四年四月也

紀地節元年始親政

事三年三月詔賜王成爵又詔假公田貸種食加賜鰥
寡高年帛十月詔池籞假貧民郡國宮館勿修假流民
田貸食勿算事十一月舉孝弟行義四年二月詔凶災
勿繇事五月詔子孫首匿勿坐九月遣使問疾苦減鹽
賈又令郡國歲上繫囚課殿最元康元年三月以鳳集

露降赦天下賜勤事吏女子百戶牛酒加賜鰥寡三老
孝弟力田帛所振貸勿收復功臣子孫八月詔博舉吏
民通文學者二年正月詔與士大夫更始三月以鳳露
賜吏民爵牛酒帛五月詔吏務平法郡國灾甚者毋出
租賦三年春以神爵賜金帛吏民爵牛酒六月詔毋得
以春夏摘巢

漢詔書行事 詔條

王尊傳涿郡人給事太守府問詔書行事尊無不對注

師古曰以施行詔條問之

鮑宣傳為豫州牧司直郭

欽奏宣所察過詔條

出六條之外

于定國傳元帝始即位

關東連年被災害上於是數以朝日引見丞相御史入
受詔條責以職事永光元年春霜夏寒日青亡光上復
以詔條責曰云云百官表刺史掌奏詔條察州夏
侯勝傳群臣大議廷中皆曰宜如詔書勝曰詔書不可
用也紀建平二年八月詔曰六月甲子制書非赦令
也皆蠲除之

漢寬大詔

見時令類

漢建武詔書 中元詔書

章帝紀建初五年夏五月辛亥詔曰建武詔書曰堯試

臣以職不直以言語筆札

詳見辟士四科 孝武之後
詔命浮文多實意少光武復

還漢初簡
質之舊

建初四年十一月壬戌詔曰中元元年詔

書五經章句煩多議欲減省 光武詔書初即位封卓

茂建武元年封更始二年封功臣議省刑法封拜宗室

三年受璽祠高廟詔非名捕不得係四年詔報耿弇與

王常共屯涿郡勉思方畧

侯霸奏下
寬大之詔

五年進柔良賜寶

融璽書六年給困乏救隴西註誤三輔殊死省吏員日

食舉賢良三十稅一七年禁奢僭罷車騎材官樓船日

食禁上書言聖舉賢良方正十一年詔殺奴婢不減罪

十三年令太官勿受異味封絕國十八年蠲除妄殺之

法十九年立太子二十二年地震勿輸田租

報郡善王
曰如諸國

力不從心東西南北自在也二十五年
教衛颯以桂陽太守歸家須後詔書

二十七年令二

府去大詔報臧宮馬武

二十八年報北匈奴班彪立葉草并上三十二年璽書報荅

三十年封禪詔書曰不如林放中元元年告祠高廟

文心雕龍曰光武留意斯文而造次喜怒時或偏濫詔

賜鄧禹稱司徒為堯敕責侯霸稱黃鉞一下若斯之類

實乖憲章

漢賜方國手迹

循吏傳序光武天下已定務用安靜以手迹賜方國者

一札十行

札牒也

細書成文勤約之風行于上下 詔諭

公孫述曰詔書手記不可數得 來歙使隗囂以手書

暢意 報隗囂以手書曰自今以後手書相聞

建武三年書

示隗囂因使効信 賜竇融璽書河西皆驚 璽書勞

馮異曰始雖垂翅回谿終能奮翼澠池又詔報異曰義

為君臣恩猶父子何嫌何疑而有懼意又詔厚意久不

報 第五倫讀詔書歎曰此聖主也一見決矣 鄧禹

久不進兵下敕曰直以時進討 敕馮異平定安集

敕岑彭書曰人苦不知足每一發兵頭鬚為白 敕

蓋延曰可直往擣郅帝數以書誡之 讓吳漢曰比敕
公千條萬端何意臨事勃亂 勞郭伋有京師蒙福之
言遣寇恂平潁川有當以時定之言報陳俊詔有勉鎮
撫之言詔報朱浮有軍資未充故須後麥之言 光武
與隗囂公孫述竇融等書有以見心事之磊落焉敕鄧
禹馮異岑彭等書有以見機神之英略焉頭鬚為白之
言平定安集之訓與夫責劉尚以斬將弔人之義有以
見不得已之心焉驚河西感市掾不待識者而占其中

興矣 以司徒比堯必非代言者所敢道 天水多文
學掾光武有所辭荅特加意焉

漢四書 策書 制書 詔書 誡敕 露布

光武紀建武元年九月辛未詔注漢制度曰帝之下書
有四一曰策書二曰制書三曰詔書四曰誡敕策書編
簡也其制長二尺短者半之篆書起年月日稱皇帝以
命諸侯王三公三公以罪免亦賜策而以隸書用尺一
木兩行唯此為異也制書者帝者制度之命其文曰制

詔三公皆璽封尚書令印重封露布州郡也詔書者詔告也其文曰告某官云如故事誠敕者謂敕刺史太守其文曰有詔敕某官它倣此獨斷曰策書策者簡也

其制長二尺短者半之其次一長一短兩編下附篆書春秋正義蔡邕言二尺者漢世天子策書所用制書有印使符下遠近皆璽封

尚書令印重封唯敕令徵三公詣朝堂受制書司徒印封露布下州郡詔書有三品其文曰告某官官如故事是為詔書羣臣有所奏請尚書令奏之下有制曰天子

咎之曰可若下某官亦曰詔書羣臣有所奏請無尚書
令奏制之字則咎曰已奏如書本官下所當至亦曰詔
戒書戒敕刺史太守及三邊管官被敕文曰有詔敕某
官是為戒敕世皆名此為策書失之遠矣 鮑昱傳中

元元年拜司隸校尉詔昱詣尚書使封胡降檄

注檄軍書也若

今之露布也

光武使小黃門問昱有所怪否對曰臣聞故事

通官文書不著姓又當司徒露布怪司隸下書而著姓

也

注引漢官儀

帝報曰吾欲令天下知忠臣之子孫復為司

隸也 李雲傳雲素剛憂國將危心不能忍乃露布上

移副三府注露布謂不封之也

祭祀志注東觀書有司奏孝順號曰敬宗露布

奏可 魏改元景初詔曰司徒露布咸使聞知蜀建興五年春詔曰丞相其露布天下 魏畧載明帝露布天下

并班告

益州

漢特詔

列傳宣秉建武元年拜御史中丞光武特詔御史中丞與司隸尚書令會同並專席而坐 東海恭王彊永平元年特詔中常侍杜岑及東海傳相曰王恭謙好禮以

德自終遣送之物務從約省 馮石特詔以它縣租稅

足石 郎顗特詔拜郎中 張楷漢安元年特下詔告

河南尹以禮發遣 楊秉延熹七年南巡特詔秉從

劉瑜延熹八年特詔召問災咎之徵 王暢桓帝特詔

三公令高選庸能 蔡邕光和元年七月特詔問曰比

災變互生未知厥咎具對經術以阜囊封上 賈琮傳

特敕三府精選能吏 陳蕃傳有優詔 優策

南史

漢手詔

東平王蒼傳明帝永平四年上疏曰制書褒美班之四海乞上印十一年蒼還國帝臨送歸宮悽然懷思遣使手詔國中傳曰云云建初元年章帝報書云云三年特賜蒼及琅邪王京書有司奏遣東平王蒼歸國章帝賜手詔曰欲署大鴻臚奏不忍下筆建初八年八月蓋勲傳雖在外每軍國密事帝常手詔問之手筆下詔見御書類

隋志梁有漢高祖手詔一卷

漢尚書詔文

周禮注宰夫贊治若今起文書草也御史贊書若今尚書作詔文秦少府吏在殿中主發書謂之尚書漢因之武昭以後稍重張安世以善書給事尚書簪筆事武帝數十年後漢始置尚書郎三十六人主作文書起草十月賜赤管大筆隃廌墨永寧中陳忠謂尚書出納帝命為王喉舌諸郎鮮有雅才每為詔文轉相求訪且辭多鄙固遂薦周興為尚書郎文心雕龍虞重納言周貴喉舌故兩漢詔令職在尚書其出如綍不反若汗是

以淮南有英才武帝使相如視草隴右多文士光武加
意於書辭 前傳鄭崇為尚書僕射哀帝欲封傅商崇
因持詔書案起注師古曰案者即寫詔之文 高后使
大謁者張澤報單于書 光武荅北匈奴藁草司徒掾
班彪所上 王嘉為丞相封還詔書 鍾離意為尚書
僕射敢諫爭數封還詔書

漢建初詔書

張敏傳建初中定議為輕侮法敏駁議曰輕侮之比寢

以繁滋至有四五百科云云高帝去煩苛之法為三章之約建初詔書有改於古者可下三公廷尉蠲除其敝議寢不省復上疏和帝從之

漢五曹詔書

應劭傳

見律令

注成帝初置尚書員五人漢舊儀有常侍

二千石戶主客三公曹

東京無三公曹世祖分二千石曹又分客曹為南北凡六曹

晉志侍御史漢有五曹一令二印三供四尉馬五乘曹前志賈誼有五曹官制

順帝永建

元年九月辛亥初令三公尚書入奏事

漢尺一簡

尺一者漢遺單于書以尺一牘辭曰皇帝敬問匈奴大

單于無恙

見匈奴傳

選舉召拜書之尺一板蕭子良古今篆

隸文體曰鶴頭書與偃波書俱詔板所用在漢則謂之

尺一簡

見文選注

後傳楊政

儒林

范升嘗坐繫獄政乃肉袒

以箭貫耳候車駕而持章叩頭大言云云哀泣辭請有

感帝心詔曰乞楊生師

乞讀曰氣

即尺一出升李雲上書

曰尺一拜用不經御省注尺一之板詔策也見漢官儀

陳蕃上疏曰尺一選舉委尚書三公注板長一尺以
寫詔書 楊賜對曰唯陛下斥佞巧之臣召鶴鳴之士
斷絕尺一 陽球酷吏出謁陵節敕不得稽留尺一

晉詔書 晉五條詔書

見戒吏類

唐志晉雜詔書一百卷又二十八卷又六十六卷又詔
書黃素制五卷定品雜制一卷太元副詔二十一卷崇

安

即隆安也

元興大亨副詔八卷晉義熙詔二十二卷

隋志十卷

隋志晉咸康詔四卷晉朝雜詔九卷錄晉詔十四卷

詔集區分四十一卷後周宗幹撰梁有三國詔誥十卷
晉元帝詔十二卷班五條詔十卷又有詔集百卷起漢
訖宋 張華傳當時詔誥皆所草定 文心雕龍魏晉
詔策職在中書劉放張華互管斯任 晉為詔以青紙

紫泥

山簡表司徒濟
奉手筆青紙詔

宋泰始二年軍功除官者衆板

不能供始用黃紙陳制銓選補用以黃紙錄名八座通

書奏可以名帖鶴頭板

徐陵曰黃
札易營

魏蘇綽大誥

北史自有晉之季文章浮華成俗周文欲革其弊因魏
帝祭廟群臣畢至命綽為大誥奏行之其詞曰惟中興
十有一年仲夏云云六月丁巳云云大誥爾在位
此體常景受敕撰門下詔書凡四十卷
文筆皆依

唐王言之制

百官志中書省凡王言之制有七一曰冊書立皇后皇
太子封諸王臨軒冊命則用之二曰制書大賞罰赦宥
慮囚大除授則用之三曰慰勞制書褒勉贊勞則用之

四曰發敕廢置州縣增減官吏發兵除免官爵授六品以下官則用之五曰敕旨百官奏請施行則用之六曰論事敕書戒約臣下則用之七曰敕牒隨事承制不易於舊則用之皆宣署申覆然後行焉

天授元年改詔為制

門下省

下之通上其制有六一曰奏鈔以度支國用授六品以下官斷流以下罪及除免官用之二曰奏彈三曰露布四曰議五曰表六曰狀白露布以上乃審其餘覆奏畫制可以授尚書省

太宗謂王珪曰中書詔敕或有差失則門下當行駁正

神龍元年九月

一日敕門下及都省日
別錄敕目三日一進

尚書省凡上之逮下其制有六

一曰制二曰敕三曰冊天子用之四曰令皇太子用之
五曰教親王公主用之六曰符省下於州州下於縣縣
下於鄉下之逮上其制有六一曰表二曰狀三曰牋四
曰啓五曰辭六曰牒諸司相質其制有三一曰關二曰
刺三曰移凡授內外百司之事皆印其發日為程一曰
受二曰報諸司計奏達京師以事大小多少為之節凡
符移關牒必遣於省部乃下天下大事不決者皆上尚

書省凡制敕計奏之數省符告宣之節歲終為斷 六

典注冊書用簡制書發日敕用黃麻紙敕旨論事敕敕

錄用黃藤紙書用絹貞觀中

十一年

始用黃紙寫敕制上

元三年詔尚書省頒下諸司州縣並用黃紙

閏三月二十日詔

會要中書以黃白二麻為綸命重輕之辨開元三年

十月始用黃麻紙寫詔上元三年二月制敕並用黃麻

紙 李肇翰林志凡赦書德音立后建儲行大誅討拜

免三公宰相命將制書並白麻

一云

紙雙起草隻日

宣

鄭細奏故事惟封王命相用白麻

唐初將相官告用銷金牋及金

鳳紙書之餘皆魚牋花牋凡賜予徵召宣索處分曰詔

用白麻紙慰撫軍旅曰書用黃麻紙薦告詞文用青藤

紙朱書

謂之青詞

宰相及使相告用色背綾金花紙節度使

用白背綾金花紙命婦金花羅紙吐蕃及贊普書別錄

用金花五色綾紙吐蕃宰相已下書用五色麻紙南詔

及清平官書用黃麻紙

元和八年八月壬寅吏部定官告紙軸之色物

開元

十六年置學士院專掌內命凡拜免將相號令征伐皆

用白麻中書所出獨得用黃麻其白麻皆在翰林院
學士初選者中書門下召令右銀臺門候旨其日入院
試制書批荅共三道詩一首試畢封進可者翌日受宣
後增試賦一首 王彥威云官品令三師三公正一品
尚書正二品並冊拜 舊紀貞元十一年四月甲子賜
南詔敕書始列中書三官宣奉行復舊制也

唐武德以來詔誥

岑文本傳擢中書舍人時顏師古為侍郎自武德以來

詔詰或大事皆所草定及得文本號稱職而敏速過之
師古傳制詰皆成其手
冊奏之工時無及者

唐賜李靖詔書

見御書類 韋澳授河陽節度宣宗遣使以薄紙手作
詔賜澳

唐太宗手詔

貞觀政要二年魏徵言有道之主以百姓心為心太宗
手詔荅之深自剋責六年太常卿韋挺上疏陳得失太

宗賜書曰數進嘉言用決朕懷十一年特進魏徵上疏曰揔此十思弘茲九德簡能而任擇善而從太宗手詔答曰公之所陳朕聞過矣當置之凡案事等韋弦遲復

嘉謀犯而無隱十六年散騎常侍劉洎上書諫曰忘憎

愛謹取捨手詔答曰今聞讜言虛懷必改

洎傳手詔答曰非言無以

述貞觀初李太亮密表使者求鷹太宗下書曰有臣若

此朕復何憂

兼本傳

列傳杜如晦薨手詔虞世南勒文

于碑鄭元璿太宗賜書曰知公口伐可汗劉政會

太宗手詔昔預義舉有成功 張公謹璽詔尉勞 虞
世南傳帝手詔魏王泰曰云云 陸贄曰太宗以虛受
為理本云云有上封獻議者手敕褒揚

唐賜渤海詔 息兵詔

張九齡傳始說知集賢院嘗薦九齡可備顧問說卒天
子思其言召為祕書少監集賢院學士知院事會賜渤
海詔而書命無足為者乃召九齡為之被詔輒成

九齡集二

十 張昌齡傳貞觀末召見試息兵詔

唐開元詔誥

孫逖傳開元間蘇頲齊澣蘇晉賈曾韓休許景先及逖
典詔誥為代言最逖尤精密張九齡視其草欲易一字
卒不能也蘇頲傳帝愛其文曰卿所為詔令別錄副
本書臣某撰朕當留中後遂為故事李德裕著論曰近
世詔誥惟頲叙事外自為文章陸贄制誥集十卷權
德輿序曰從幸奉天詔書旁午灑翰即成不復起草曲
盡事情中於機會嘗奏曰宜痛自改過以感人心上從

之故行在詔書始下雖武人悍卒無不揮涕激發及還京師李抱真來朝奏曰陛下在山南時山東士卒聞書詔之辭無不感泣思奮臣節臣知賊不足平也

唐古今詔集 德音錄 制詔錄 元和制集

王言會最

志詔令類溫彥博古今詔集三十卷 又李義府一百卷 薛克構

聖朝詔集三十卷唐德音錄三十卷 起武德元年五月迄天寶十三載正

月 太平內制五卷 睿宗玄宗時書目三卷 明皇制詔錄一卷元和

制集十卷唐舊制編錄六卷費氏集馬文敏王言會最
五卷凡詔令一家十一部三百五卷始於晉詔書終於
宋幹詔集區別失姓名十家溫彥博以下不著錄十七
家二百二十二卷 文藝傳制冊則常袞楊炎陸贄權
德輿王仲舒李德裕鄭亞作李德裕制集序曰貞觀中
則顏師古岑文本天后時則李嶠崔融燕許角立於玄
宗之朝常楊繼美於代宗之世 列傳高郢制誥無留
藁曰王言不藏於家 王涯再為學士文有雅思永貞

元和間訓誥溫麗多為藁定 權德輿知制誥凡撰命

詞九年以類集為五十卷 元稹知制誥變詔書體純

厚明切 李德裕為學士號令大典冊皆更其手 白

氏制朴一卷居易哀類制詞事語以備撰述之用元稹

詩白樸流傳用轉新注云樂天於翰林中書取書詔批

荅詞等撰為程式禁中號曰白樸每有新入學士求訪

寶重過於六典 崇文目白氏制朴三卷

唐除書德音

肅宗時楊炎常袞同時知制誥袞長於除書而炎善德音自開元後言制詔者稱常楊志常袞詔集六十卷

楊炎制集十卷

蘇弁編

唐寶書

見印璽類

唐明皇制詔後集

書目田錫纂一百卷起唐隆元年平內難溫王下詔止

天寶十五載制誥

唐大詔令

宋綬輯唐大詔令未次甲乙敏求用十三類離為一百

三十卷

目錄
三卷

唐會要大順二年十月令詔書別錄小

字本留內永為定式 兩朝志滕宗諒大唐統制三十

卷集唐制詔

禹誥

文粹陳黯禹誥禹賢益以天下授益采其謳謠之所歸
卒讓於啓故啓不由父授而書無典訓黯追其旨作禹

詰

建隆景德麻制

兩朝藝文志總集有五代國初內制雜編十卷建隆景

德雜麻制十五卷

淳化璽書

三年四月丁丑賜太師趙普璽書

慶厯手詔

三年十五丙午命轉運按察使時上以天下事責成大

臣而用琦仲淹弼在二府因內出手詔賜琦等曰當世
急務悉陳之於是仲淹弼條上十事故張昞之首被茲
選癸亥御迎陽門召知制誥諫官御史等詔曰欲聞朝
政得失兵農要務云云八年三月甲寅出手詔賜輔臣
以公私匱乏仕進多門牧宰將帥罕聞稱職西北多故
虜態難常悉為朕條畫之又賜翰學三司開封中丞等
詔皆給筆札令即坐以對宰臣執中固辭乃聽兩府歸

上之

御集有手
詔一卷

嘉祐學士院草錄 中興以來玉堂制草

嘉祐三年六月歐陽修乞將國朝以來學士院所撰制
誥文書各以門類依其年次號為學士院草錄仍乞差
學士兩員掌之甲寅詔學士院編錄天聖七年十二月
庚子詔中書自今朝官以上告詞別錄本上禁中 隆
興元年翰林承旨洪遵撰中興以來玉堂制草序云是
書自承平有之南渡以後泮散不屬始命綴緝凡將相
之除拜后妃之封冊詔旨之放樂語之奏上梁之文布

政之榜無不備具惟荅詔青詞之煩不復記也為六十
四卷 周必大續玉堂制草三十卷裒隆興以來舊藁
繼遵所編以尊號表文為首增以名試館職策問

乾道八年

壬辰上
元日序

嘉祐編錄端拱以來宣敕

三年十二月甲辰樞密院上端拱以來宣敕劄子六十
卷目錄二卷一本留中一本藏龍圖閣初韓琦為副樞
言嘗任河北見祖宗所下詔令皆契丹未講和以前經

武禦戎之事請下本院編錄上之

志刑
法類

元豐五年七

月辛卯編中書御筆手詔千三百四十六事

自治平四
年至熙寧

十年為三十一
冊付中書省

本朝大詔令

二百四十卷建隆至宣和此集紹興中出於宋綬之家

建炎親筆詔書

建炎三年張浚充川陝宣撫處置使便宜黜陟賜御筆
詔書曰以身徇國同德一心 紹興二年十一月庚午

詔自今御筆並作聖旨行下時右諫議徐俯言祖宗朝批降御筆並作聖旨行下自宣和以來所以分御筆聖旨者以違慢住滯科罪輕重不同也今明詔許繳駁論列當依祖宗法方其批付三省稱御筆三省奉而行之稱聖旨然後名正言順人但見宣和御筆謂不當然不知祖宗御筆不少王廣淵在仁宗朝嘗編類成書以為後法乞依故事施行從之

建炎紹興詔旨

紹興四年七月辛酉知湖州汪藻上所編建炎中興詔
旨三十七冊詔送史館十六年三月二十二日耿世南
以編類徽宗朝詔誥來上七月四日董陵上編集徽宗

御集手詔二冊賜帛 三十二年六月二十三日

孝宗
即位

未改
元

詔朕惟太上臨御三紀法令典章粲然備具嗣位

之初深懼墜失其議設官裒集建炎紹興以來所下詔
旨條例以聞朕當與卿等恪意奉行以對揚慈訓既而
差吏部侍郎徐度刑部侍郎路彬裒集

紹興恤刑手詔

三年正月十一日詔恤刑手詔委尚書左右司刻石放
降天下其親札候刻石畢置大理廳事既而以碑刻賜

從臣及寺官

詔稱高柔游擊事誨
以仁平諭以禍福

綦密禮為詔曰三

年正月乙丑內出手詔戒刑獄之吏付臣頤浩等施行
丁卯命尚書左右司刻詔于石以墨本頒天下親札賜
大理庚午宣示六曹兩省侍從官

紹興編元符以來詔旨

八年十一月丁未龍圖閣直學士汪藻與鮑延祖孟處義準詔編修元符庚辰至宣和乙巳以來詔旨書成上之降付史館先是紹興二年十一月壬午藻守湖州請以太上道君皇帝建上登極所降御筆手詔賞功罰罪文字自元符庚辰至建炎已酉凡三十年事分年編類至六年編成庚辰以後凡十三年詔旨詔藻轉一官至是藻悉以所編詔旨六百六十五卷上之

一云書凡八百冊賜茶藥

進官二等

繫年錄紹興四年三月癸酉藻上元符以來詔

旨二百卷

紹興七朝制誥錄

四年五月丙子

二十七日

詔館閣以累朝實錄中制誥等各

以門類編為七朝制誥錄用劉大中請也其後不克成

紹興淳熙紹熙慶元寬恤詔令

紹興二十五年九月十三日丁巳宰臣上寬恤詔令一

百六十八卷目錄三十一卷修書旨揮一卷共二百卷

五十門詔名曰紹興編類寬恤詔令放行之孝宗踐阼

之始未及三月內出寬恤事十八條放行郡國淳熙十

年九月六日詳定賈選言參修隆興以來

紹興三十二年
至淳熙十

年俟成門目審覆訖乃進上曰官名刪定須有去取十

一年六月一日上淳熙寬恤詔令三百卷

六十門一云
二百四十卷

戊午放行光宗改元二年議臣請編類紹熙寬恤詔條

鏤板班降慶元二年三月四日敕局自淳熙十六年二

月至紹熙五年七月五日編為三百餘卷十一月十一

日進紹熙寬恤詔令三百四十六卷慶元續修淳熙寬

恤詔令一百七十五卷

自十一年正月至十二年二月一日

五年三月二

十四日又請纂輯慶元寬恤詔令六年四月十五日進
慶元四百二十六卷頒布郡國五月二十八日置寬恤
局選侍從郎官各二人臺諫二人領之嘉定六年五月
二十八日兵部尚書李大性請纂輯慶元六年以後十
四年五月二十二日乙巳上續修慶元詔令七百五十
八卷

乾道御書戒飭詔

六年五月二十四日御書戒飭詔賜宰臣尤文等 淳

熙五年八月二日賜史浩 六年三月二十四日賜趙

雄 九年五月一日賜王淮 元祐三年八月中書舍

人曾肇錄上仁宗朝緣內降戒飭詔書事迹凡八條別
為一通乞置之坐右

淳熙聖朝教令德音

八年六月七日知劍州王章上詔送秘閣

自建隆開基止崇寧五年

文心雕龍曰授官則義炳重離之輝封策則氣含雲

雨之潤勅戒則筆吐星漢之華治戎則聲有滂雷之威
肆赦則文有春露之滋明罰則辭有秋霜之烈此詔策
之大畧也得於心應於手朝出九重莫行萬里風動
草偃山鳴谷應布宣德音渙為大號四海震動沛然若
雷霆之發一字之褒如華袞一言之感如挾纊文章之
功侔於造化矣



玉海卷六十四